





69. 5. 9. 1



IVLII CAE  
SARIS SCALIGERI  
NOVORVM EPI-  
GRAMMATVM,  
LIBER VNICVS.

SEIVSDEM HYMNI  
duo, Ioanní Baptístæ clamantí in  
deserto, Rocho & Sebastiano.

Eiusdem Díua Ludouíca Sabaudía.



PARISIIS

Apud Michaelem Vascofanũ, uía  
ad díuum Iacobũ, sub signo Fontis.

M. D. XXXIII.

# NICOLAI

BORBONII Vandoperani, Ad  
R.D. Ioannem Salazarium Archid.  
Senonenſ. & cæt. Virum ornatiff.

Carmen.

**E**N tibi Scaligeri mitto noua carmina Præſul<sup>3</sup>  
Carmina quæ mira dexteritate fluunt:  
Et quæ Naſoni tenero ſi lecta fuiſſent,  
Dixiſſet, Salue frater, & alter Ego.  
His modulis animum ſtudiorum pondere preſſum,  
Hac ueluti cithara te recreare potes:  
Interea hoc cape, dignum aliquid dum molior iſtis  
Dotibus, Ingenio, Nomine, Stirpe, Domo.  
Nec te pœniteat mihi commiſiſſe nepotem,  
Talis erit, qualem (ſpero) uidere cupis:  
Ore uerecundo eſt, & præditus indole rara,  
In Iuvene hoc Virtus Menſq; ſenilis ineſt.  
Tu modo perge mihi ſic te indulgere Patronum,  
Vt fiat meritis par mea Muſa tuis:  
Nam mihi ſi tanq̃ Zephyrus ſpiraris Olori,  
Prima S A L A Z A R I A E gloria gentis eris.

Vale Vir integerrime idemq; doctiſſ. Pariſijs  
Ex gymnaſio Bellouaco, feſtinatim. X. Cal.  
April. M. D. XXXIII

# IULIVSCAE

SAR SCALIGER

CAROLO SEVINO SVO, S.



Vm animaduertissem haud ita ur-  
geri Tabellariū, atq; sperauerā, ad-  
moui manus epigrammatis meis, ut  
& hinc compertum haberes, ni-  
hil mihi antiquius esse fide, tū quod  
uerebar, ne si quid mihi humanitus accidis-  
set, dilaberē-  
tur in plagiariorū manus, si quid esset lōni, quod tuto  
uindicari posset, aut si quid pœnitendū offenderetur,  
desideraret meā limā, tuumq; iudiciū, cuius mihi nūc  
est copia, proinde ne cōmittas ut temerē nimis edēda  
festinarim, cū id egi cōsulto, uti emēdata arbitratu tuo  
legerētur. Ex millibus ferē duobus aut amplius lecta  
sunt, utinā bona fide, id in ipsis curauimus uti Rallus  
uir doctus mētiretur, aut mutaret iudiciū, qui epigrā-  
ma ullū cultū negarat. Secūdo loco, uersum numero-  
sum librari etiā seuerissima aure uolui, id quod nostra-  
tes uni mihi peculiare inter amicos semper tribuebāt.  
Tum orationē splendidā, nobilem, nō uulgarē, nō fu-  
catā, nō hiantem, nō anxīā: plenā, rotūdā, illustre (uer-  
bis absit arrogātia) sed præter cætera, id studui, ut ma-  
teria oēs, nouis inuētionib<sup>9</sup> atq; argutissimis, minusq;  
expectatis cōcluderētur. Nullū omniū hominū imi-  
tatus, præter me ipsum, ppter quod NOVORVM

EPIGRAMMATVM me auctore nō poeniteat,  
ita sordidū illū & illiberalē taxādi morē, ab educatiōe  
mea semper alienū duxi, obscenas uero ineptias, ne ui  
ro quidē dignas. Superest mi SEVINE, ut te auctore  
q̄pulcherrimis mundissimisque edantur notulis, si prius  
per te non steterit quo minus edi mereatur. nō ab re  
futurū mihi uidetur, si & argumēta adscribas, aut se  
orsum singula seriatim, aut sua cuique, uti libebit. argu  
tia enim obscurat initio sensum, quæ ubi deprehensa  
est, tanto illustrior fit. Cæteros hymnos, & elegias  
meas proximis literis mittā. Item Rerū, uerborū, rituum,  
& originū libros duoceci, quibus prima pars perfici  
tur. Alterā centū uiginti libris perfectā mecū affe  
rā, ut publicē absoluator. Tertia nondū perfectā est.  
Item librū admirabilē de simplicibus medicamentis cum  
erroribus, tam antiquorum, q̄ recentiorum. Vale,  
Agenni. XV. Cal. Feb. M.D. XXXIII.

NIC. BORBONIVS Vandoperanus,  
D. Carolo Seuino uiro religiosiss. & doctiss.  
Si promissa ligant, habeo te Carole uinctum  
Obstrictumq; mihi. Quid sibi uult hic ais.  
Dicam. Tu nobis meministi ut nuper (opinor)  
Pectore sponderes munera digna tuo:  
Nempe ubi Scaligeri facta esset mentio Iuli,  
Ut per te fieret scilicet ille meus.  
Verum hoc ut tanto infelix me digner honore  
Absit, quin potius illius esse uelim.  
Ergo ut sim facito, sat feceris: omnia habebō  
Mox, ubique Musis imperat eius ero.  
Vale Seuine cādidiss. & Borboniū tuū amare  
perge, id quod p̄fectō mutuiter facies. 1533.



IVLII CAESARIS SCALIGERII, EPIGRAMMATA.

AD VMBRAS EORVM, QVI  
desperatis amoribus sponte sibi mortē cōsciū-  
runt, quorū numerum sese aucturum pollice-  
tur, si tamen quispiam mori possit, qui amore  
tabidus iam umbra suū est, non uiuus homo.



Væcunque infernæ Veneris per  
inania regna,  
Per Strygiā tacitis tractibus itis  
aquam,  
Vmræ: quæ leuib<sup>9</sup> tenebras per-  
stringitis alis:

Quas uiridis placido Myrtus inumbrat agro:  
Crudeles utinam solæ uideatis amores:  
Turbidaq; in fletu carmina fusa rudi.  
Hic mihi dum ueteres aspirat Nænia flammæ:  
Oraq; fatali melle uenenat Amor.  
Mox uestrū aucturus numerū moror omnia: nostri  
Si modo ego hinc possum corporis umbra mori.  
Ad Lesbiam uti sui misereatur.  
Cum primum ex ista facie mihi dura tetendit  
Retia: digna fuit, digna perire Venus.  
Digna fuit. Diuum sed si natura repugnat:  
Nec iam adeo effuso mors uolat atra gradu:  
Tunc ego debueram semel expirasse: nec ultro  
a.ij.

Heu toties fatis sic superesse meis.

Quales purpurea solvuntur luce pruina:

Qualis odorato cera sub igne cadit:

Vror: & indomitæ uexant præcordia flammæ:

Atq; ferus lenta me face torret Amor.

Aspexi quoties diuinum frontis honorem:

Aureaq; in blandis sidera luminibus:

Pectoribus toties hæserunt spicula nostris:

Mistaq; cum gelido spes fuit aucta metu,

At tu per teneri iucundum lumen Amoris:

Hei mihi qualem oculus spirat uterq; tuus:

Lesbia sidereum cæli decus: unde Cupido

Deduxit rapidas in mea damna faces:

Heu heu perpetui tandem miserere doloris:

Hæc anima ut uotis seruiat una tuis.

Quod sese interfecturus, abstiterit, præcepta  
spe, ex Lesbiæ futura facilitate.

Non, ita me Dijs ament: & Dijs mihi millibus una

Lesbia: Dijs magnis millibus una prior:

Huc ultro, luctu captis superauimus annis:

Et uitæ potui tædia ferre trucid.

Sed ualidas ausum naturæ soluere leges,

Et petere in nostros ultima dona rogos,

Risu: & obiectis mea Lesbia lucibus illis

Quæ fraudant numero sidera magna suo:

Et uitæ, & mortis sedes ostendit: & inde

Dulce fuit nobis uiuere: dulce mori.

Sollicitari se Lesbiae desiderio ubicūq; ipsa fuerit, nisi cum se trāfert in castra perfidia, quoniam ipse firma fide nitatur.

Qua praeceps Athesis rapido citus amne superbit;  
Et iuga pacato Barbara mutat agro:

Q; me sollicitat peregrinae spiritus auræ:

Q; sine te patriæ Lesbica sordet Amor.

Q; stupeo: quantus cæli me tractus iniqui;

Quantāq; me profugo diuidit unda mihi.

Me trans aërias alpis fuge, transq; sonantem

Nerea: stricta pigro qua stupet unda gelu:

Huc ubi perpetuo Phœbi damnatur ab æstu:

Atq; hiat indigenis perdita terra notis:

Tecum adsum, tecum trahis in deserta sequacem:

Tecum sollicito per fora densa pede.

Tantum sæuitiæ, & fraudis fera castra dolosæ

Cum petis: absentem Lesbica nulla rapis.

Ad Lesbiam que spōte hausto ueneno obierat,  
accepto falso nūcio interitus ipsius è clade Ra-  
uennati, quā depictā postea semper circūtulit.

Debebam tibi me pro noxa Lesbica: uerum

Vita mea est grauior mortua morte tua.

Subtractam tibi te, nobis hæc reddit imago:

Fingere me nullum nulla tabella potest,

Immo hoc heu nostri monumentum est funeris: at te

Ars nisi sub nostro pectore nulla capit.

Ad Garumnā fluvium, ut timeat Aellæ aut  
gelu ob animum aversum à Venere, aut flam-  
mas ab oculorum violentia.

Vane, quid auspicijs leuibus Garumna superbis?

Quod lauit aureolos flumine Aella pedes?

Ah quam sollicito quæres in gurgite fluctus:

Quæ miser in toto flumine nullus eris.

Sive uisum te flammigeris afflabit ocellis:

Seu tacitas animi frigore coget aquas.

Ad Altinū riuulum Patauinū, quem uulgus  
Riualtum uocat, ut afferat suas lacrymas ad  
Glaucillā, cuius sæuitia uix alia aqua saturetur.

Altini pater, hic tenui licet abditus unda

Grandia uix habeas nomina ferre dei:

Altini tamen argutis placidissimus auris,

Altini Euganeæ Rexq; paterq; plagæ:

Quid graue si salso tingam tua flumina fletu?

Quoq; fugis, refluo sunt freta salsa uado.

Hæce trahes lacrymas duri monumenta doloris,

Ipse quibus celeres auctior addis aquas:

Qua tua Glaucillæ pedibus leuis unda superbit:

Et cælum suda luce serenat Amor.

Nec timeas haustus quæsturam fontis amaros:

Nam domina haud alio pascitur Imbre mea.

Optat fieri sylua, ob studiū uenādi quo Aella tene  
batur, cui suadet ne absit. nam si abit odio poetæ  
rogat ipsam ut cor reddat cuius odio teneatur ne  
cesse est, aut si prædā mitem petit quales sunt das  
mæ & lepores, nihil se mitius dicit, qui & ultro  
cop:ius sit. sin truces feras sequit̃ nō esse illi aliā  
feram à seipsa quærendam quæ sit ferocissima.

si fato fuit, ut cursu meus ignis anhelō

Truderet infestas corde micante feras:

O siam uiridis fruticoso uertice collis,

Fultæue cornigeris lucida sylua comis.

Qualis in abducta fertur Lilybeide terra

Aetna leues usta pascere fronte niues.

Aut ego sub iaculo spectarer ceruus acuto:

Aut premeret celerem copula fida canem.

Sic misero mihi præfertur nemus, atq; cruenta

Tesqua, & inhumano semita capta rubo.

At tu, siue odio nostri subduceris: huc cor

Redde: quod in uestro pectore signat herum.

Seu placidi gregis alta premis uestigia: ne mi

Captiuo profugos præfer Aella pedes.

Siue truces sequeris animoso pectore pestes:

Aptior est uotis te fera nulla tuis.

Præfert fluuiū Granam in subalpinis, Pado  
& Tybri ob Telesillā, quæ in eo linamaceras  
bat nec cōtēnendus q̃ lutulētus fluat, hoc enim  
cōmodi affertur, cū eo p speculo uti nō potest  
Telesilla unde fiat superbior.

IVLII CAESARIS SCALIGERI

Ille, uides, tenui qui stringitur alueus amni:

Qua prati genio sordida pinguet aqua?

Clarius est mihi uel Tybri, uel Rege superbo

Quem non sollicitat segnior unda, Pado.

Hic canit ignotas, nisi Dijs, Telephilla camœnas:

Et domat effusis mustea lina uadis.

Spernis an hæc lutulenta? magis mihi cōtulit hoc: quod

Non redit à speculofacta superba suo.

Arguit noctis morā, quā & frustra futurā discit,  
discussū iri nāq; ab amicæ luce, tāq; à sole.

O nox perpetuo nox ô mihi longior æuo:

Nox mihi spiranti surdior una freto:

Non pudet effœtas producere longius horas:

Et trahere ignaua non tua regna mora?

Promissos mihi sub lucem ut frustreris amores:

Optatoq; tenax incubet hora die.

Nil agis, & medijs si se mihi suggeret umbris,

Afferet à frontis luce serena diem.

Si Veneris præmia tam fluxa sunt, quare pœna  
tam diuturna?

Frigida cum tacito mea Circia tabuit igni:

Et soluit castos flāma inimica sinus:

O q̃ rara fuit: sed q̃ cito rapta uoluptas.

Q̃ fera de nitida nox cita luce uenit.

Si peritura breui fuerant ea munera: quid me  
Perpetua æterno fulmine flamma rapit?

Pastoralis lusus. Ad Aquilones uertit sermonē  
ut aut ne deleant tollant ue trunco inscripta,  
aut si flando furere maluit, auferāt ignes cus-  
pidineos ab se.

Si me crudelis custodia dura nouercæ  
In ueteres pastum crastina mittet agros:  
Huc, ubi tu niueas aspectans concolor alpes  
Dura peregrinis lina retundis aquis:  
Descendam Talarisca. pecus curabit Hiellas:  
Vel fiat saturo præda cruenta lupo.  
Attulit Euganea Corydon mihi nuper ab urbe:  
Quid quæ habet ortygalis? omnia rara: ueni.  
Quorum nunc etiam quædam tibi uita tulissem,  
Aptius è cunctis quod placet ipsa leges.  
At uos, qui patrios Aquilones uritis agros:  
Siccaq; puluerea stringitis arua fuga:  
Flatibus horrificis, aut scripto parcite trunco:  
Aut nostras uestro hinc ferte furore faces.

Nocte deprehensus consulit sidera, quæ ab  
amore uacua non suspicatur, quoniã & in eo,  
& in ipsis flāma communis su. Aut inquit, si  
uia siderum munere non aperiatur mihi, ignis  
luce quem gero pectore, patebit.

Vna quæ perijt nos hac in nocte perimus:  
 Tam misere auersos quæ dedit una deos.  
 Quas ego non cæli faculas, tacitosq; Quirites  
 Suspiciens, supplex nota precesq; tuli.  
 Sempiterni ignes, & opacæ noctis ocelli,  
 Arbitraq; & flâmis conscia signa meis:  
 Nequicquam ne in uos ueteres mentitur Amores  
 Conniuens rutilo hæc candida flamma polo?  
 Aut monstrate uiam: aut surdis si conqueror auris:  
 Ignis hic innumeri sideris instar erit.

Agnoscit iter amicæ ob serenû cælû fugatis  
 tempestaibus, timet igitur sibi interitû, quo  
 niã tota uita ipsius nubila constet tempestate  
 ob aduersos Amores.

Hæc uia quæ nitido grauis asturcone superbit:  
 Quæ tenet intactas puluerulenta notas:  
 In nostrum hæc rapidos cælum transmittit amores.  
 Agnosco Dominæ candida signa meæ.  
 Iam latæ indomitæ ponunt fera corda procellæ:  
 Atq; nouo lætus ubere lucet ager.  
 Diffugiuntq; graui palantia nubila plausu:  
 Atq; acies pluuij concidit acta noti.  
 Sis lenis Dea: sis misero dea lenis amanti:  
 Parcius atq; oculis utere diua tuis.  
 Si soluis tempestates: si nubila differs:  
 Quo stabit uersa in nubila uita mihi?



Præfert Amicā Auroræ & Phœbo, quæ  
sine his, satis sit ad diem reducendum.

Luce sua mea lux trepidos ubi soluerit ignes:  
Et caua conspicuum fugerit umbra caput:  
Ad ne optem mihi diua tuos matuta labores  
Quæ uaga roriferis hora reducat equis.  
Quid mihi cū Phœbo huc? uestras ille excutit umbras:  
At mihi in hanc noctem fax satis una uenit.

Contraria monstra in se inesse, quoniā Gla-  
uiæ naturā imitetur, quæ ignem simul & gelu  
gerit illum oculis, hoc corde.

Si qua sub aduersis diuisus destinat oris  
Monstra peregrino perdita mundus agro:  
Huc collata, suoq; adeo contenta rigore  
Sint tanq̃ nostris semina parua malis.  
Quis ne unq̃ gelidis alsu ferus ignis in undis?  
Quæ concepta feris ignibus arsit aqua?  
At mihi non imbrem lacrymarum interficit æstus:  
Non lacrymarum ictus æstus ab imbre cadit.  
Quid mirū? si me uestris affingere flammis:  
Et glaciem propero uelle referre tuam?  
Isto oculo tacita exuris me Glauca loquaci:  
At torpent grauido corda retusa gelu.

Nocturnū cælū suspiciēs, monet Luciferū uti  
cogat gregem siderū, cuius numerus fraudatur  
absentibus oculis Pholoe, quos dormiēs clausit.

I V L I I C A E S A R I S S C A L I G E R I

Cætera quæ uestro fulgent uaga sidera mundo  
 Extulit ex alto nox taciturna mari.  
 At mihi iam misero filet omni sidere cælum:  
 Lumina dum Pholoe lucida somnus habet.  
 Lucifer aurati pecoris cordate magister  
 Coge gregem: numerum non habet ille suum.

Ad Idmonē pastore, Bathyllæ imaginē ubiq; oc  
 currere: è lacte, è collib<sup>o</sup>, sereno cælo, & turbia  
 do: etiā inqt medys ignib<sup>o</sup>, licet illa sit frigidiss.

Idmon, cum tenui diducta est fiscina iunco:  
 Et spuit argutæ prandia grata cani:  
 Aspiciam lacerum hoc morienti lumine septum:  
 Et neget infecto uellere fœtus ouem:  
 Ni me de simili lucens crudelis imago  
 Verberat: & medio lacte Bathylla uenit.  
 Seu pictos uideo colles genitalibus auris:  
 Seu gelidas rigida ualle sedere niues.  
 Signant præcipiti stagnantia flumina cursu:  
 Lenis & astricto murmure fluxus aquæ.  
 Qua me uerti oculis, oculos ferit, uiduus illam  
 AEolus, & sicco Iuppiter ore notat.  
 Ostendit uiduus deserto stipes in agro:  
 Vernaq; sub reduci sylua parata coma.  
 Quin tenuem in cœnam tepidum cum spumat abenū  
 Coctaq; ludenti palpitat igne cutis:  
 Fingo illam in media flamma mihi, sed tamen eheu

Me miserum, flamma quæ procul illa mea est.

Dolet et letatur simul Amicæ duritia.

Aspexitque, abiitque: et spicula cæca relinquens

Fraudavit uotis brachia nostra suis.

Ah loquor infelix, solo si lumine uicit:

Quid faceret toto corpore Diua tibi?

Comparat crepusculi fulgorem Lucina, sed  
augurio aduerso ob superbiam.

Cernis ut hesperijs flammatus Iuppiter auris

Seros purpurea luce colorat agros?

Ostendit uestri speciem Lucina decoris:

Ab similibus beuheu fit licet ille tibi.

Pura serenatis portendit lumina terris:

Crastinus ut nitido Phœbus obibat equo.

At mihi uel medium frons ignibus ista coruscis

Abiurat picea condita nube diem.

Miratur qua ratione tam æstate quæ hyeme male  
habeat amando, cum aut frigore aut calore iuuari  
deberet. Tū Amicæ potestate id fieri dicit, quæ  
frōte sua in cælū et tempestates pariter ius habet.

Daulias exiguae gelida dum noctis in umbra

Dulcibus attonitas questibus urget aues:

Et dum præcipiti superantur flumine ripæ:

Informisque graui nix iacet alta gelu:

Quid tamen aduersis toties miser alloquor auris

I V L I I C A E S A R I S S C A L I G E R I

Vosq; feros æstus, uosq; feras hyemes  
 Si fuit, ut flāmæ laqueis torquerer acutis;  
 Debuit accensas frangere bruma faces.  
 Frigida sin lacrymæ Lachesis me destinat atræ:  
 Auget inhumanas unde mihi æstus aquas?  
 Sic est, quæ cælum obducit, cælumq; serenat:  
 Tantundem ipsa & in hæc tempora iuris habet.

Ad conuallem Viuesiam in qua q̄ frequentius  
 amores suos suspiraret reddit rationē, quoniā  
 Domina suæ similis sit, præterq̄ q̄ uallis humi  
 da est, Amica autē nunq̄ pietate lacrymans.

Aurea perpetuis specuum consepta ruinis:  
 Fida comes miseris questibus una meis.  
 Quod tantum huc dubia conceptas uoce querelas  
 Confero: quod sæuo nomine pulsa sonas:  
 Hoc fit: nam præter te ipsam loca deuia, nostræ  
 Nulla magis referunt ora superba deæ.  
 Sic & ubi truncis respondes uocibus: illa  
 Reddit in extremo uerba retorta sono.  
 Tu tenerum uernis ut pingis floribus annum:  
 Sic florens nitido fundit ab ore iubar.  
 Verum anni interitum tristi cum funere montes  
 Lugent, & gelidas uda refundis aquas:  
 Vnum hoc dissimile est, duro nam marmore: duro  
 Aridior lacrymas reijcit illa meas.

Metuit nequid absenti amicæ humanitus acci-  
dat, ad mortem conuersus, ostendit in illam ius  
ipsi integrum non esse, quum tota Poetæ pe-  
ctore capiat, utrunq; esse perdendū si illam  
petat, ita innuit se nolle esse superstitem.

Aspiciam ne illo redeuntem è littore, qua tum  
Vita è dimidio lumine cœpta mihi est?

At tu quo licet in dominam grassare triumpho:

Et penitus laqueis utere dura tuis:

Non potes in totam: potior pars altera mecum est,

Vnam si quæris perdere: perde duos.

Ab anicula effictam dominam præstigijs, quæ  
quod umbra sit inepta ad prehensandum non  
propterea fefellit similitudine, æq; enim dila-  
bitur amica uera.

Quæ ueterem cæli Genium, solesq; fatigat,

Et grauis innumera luce superbit anus:

Sæpe sub accliu surgentis colle Sabini,

Sæpe sub insomni te mihi signat aqua.

Quæ piger ambigua trepidans Altimus unda

Auctior it lacrymis in tua iura meis.

Verum ubi in amplexus, atque oscula dulcia demens,

Turbidus ac demens corde micante ruo:

Inde rapi ingratas uideo mea gaudia uentis:

b.i.

IULII CAESARIS SCALIGERI

Inde rapi ingratis uideo mea gaudia uentis:  
 Fictaq; præcipites effugit umbra manus:  
 Heu potuere artes Magicæ non amplius ullæ  
 Fingere, non aliter tu quoq; prensa fugis.

Calendis Maijs corollas nō esse potius petēdas  
 ab amica quàm alijs diebus, quoniā ipsa etiā in  
 media bruma Ver parit.

Aurea cum nitido tellus opulescit amictu,  
 Foetaq; fœcundo sole grauescit humus:  
 Quid mea lux uirides placido petis ore corollas,  
 Ritus ut à ueteri conditus extat auo?  
 Hei mihi quantum atris nigrescunt pectora curis:  
 Nec cadit hic cæli sub mea corda decor.  
 At mihi si reducis tempestas nobilis anni  
 Læta iubet læto tempora corde sequi:  
 Non est quod rapidos æstus, hyemisq; furores  
 Posthabeas, hæc ut munera uere feras.  
 Seu uer, seu mihi bruma: ferat si bruma mihi te:  
 Fiet uel medio uer mihi bruma die.

Cum dormiret, adueniens amica excitauit. Sic  
 fugit hora somnij à sole, sic fugit somnus ab al-  
 tero sole.

Iam placidus curis somnus successerat atris  
 Blandus, & incauto pectore fusus erat.

Regna trahens uictæ Veneris mea Lollia secum,  
Constitit ad taciti conscia fulcra tori.  
Et sensim admotis oculis, quibus imperat astris,  
Exoluit gelidi dulcia uincla dei.  
Quid somnum aufugere est mirum? sic sole recenti  
Sic matutinam, sic facit ille fugam.

Cum se uitæ tædio uult interficere amoribus  
desperatis ocellos offert Amaranthis atq; stu-  
porem infert, ita ne moriatur, moritur prius.

Ceperunt quoties miseræ me tædia uitæ:  
Statq; mala ultrici tanta abolere manu:  
Lenior ostendit placidos Amaranthis ocellos:  
Corq; timens trepidum uulnera dura fugit.  
Tunc leuis amentem ancipiti spes occupat ala:  
Vtq; mori nequeam, mors prior illa uenit.

Amicæ uenustatem uinci tempore, & uince-  
re amorem constantia: sese autem uincere tem-  
pus, & amore uinci.

Mellitos oculorum haustus, frontemq; superbam,  
Osculaq; insidijs insidiosa meis,  
In prædam trahit: & cursu populatur acuto  
Impia, quæ didicit perdere cuncta dies.  
Nec te in diuinas crassantem sæua papillas,  
b.ij.

I V L I I C A E S A R I S S C A L I G E R I

Atq; in magnorum tot monumenta deūm,  
 Terrebat pudor? At Veneris nunc perdita regna:  
 Contemptus nullo uulnere nudus Amor.  
 Me tamen in ueteres idem furor obruit ignes:  
 Et memor antiqui muneris una fides.  
 Tempora te uincunt, spretum quæ uincis amorem:  
 At me qui uinco tempora, uincit Amor.

Vere omnia lætari præter se unū, quoniā om-  
 niū aliarū rerum sol lætitiā præbeat, ipsius au-  
 tem sol, hoc est amica, nubila amet, propter te-  
 tricam seueritatem.

Dum uarij uernant Zephyro genitore colores,  
 Vmbraq; subiectam lucida pingit aquam:  
 Atq; anni facies, & ueris nobilis ætas,  
 Sunt totidem cordi uulnera dira meo:  
 Infelix miror, lætiq; immunia cæli:  
 Quo dicam auerso pectora nostra deo?  
 Ah gentes aliæ puro, populiq; fruuntur  
 Sole suo: & noster nubila solus amat.

Aspectu Pholoe, aufugisse ab se animū adeā.  
 Ignoscit fugitiuo, qui tantum æstum quantum  
 patitur haud minore gelu quàm quantū in illa  
 est, moderare potuit.

In me auidum Pholoe quoties inflexit ocellum:



Nostrâq; sub lenta pascitur aura face:  
 Affixum me animus cura fugitiuus inani  
 Lusu: & ad dominæ se tulit ora suæ.  
 Ignosco fugitiuæ tibi: moribundus ab æstu,  
 Haud alio poteras fulmina ferre gelu.

Calēdis Ianuarijs nō uulgaria munuscula ex-  
 petere, sed basiola, & eiusmodi.

Craftinus ut reducis fiet sol portitor anni,  
 O tibi perpetuos incohēt ille dies.  
 Ne calices mea lux, nec cymbia mitte: nec auri  
 Lucida compositis pondera picta notis.  
 Quid mihi cum capida? mihi quid cum mētore? tu mi  
 Candida thesauris munera mitte tuis.  
 Basiolum mihi mitte, mihi La La mitte meum cor:  
 Et qui carnifici lumine risus hiat.  
 Intercepta times pereant? iunge oribus ora,  
 Vt tectam peragant tutius illa uiam.

Ab eodē speculo referri, & se mollem ac fera  
 uidū, & Pholoen durā ac frigidā, optat igitur  
 ut uterq; durus ostendatur, aut uterq; facilis.

Hoc nostri speculi speculum Venus, unde Cupido  
 Extinctas didicit rursum animare faces:  
 Non solum Pholoen, duro sed ab æquore monstrat  
 Flamma cum gelida pectora nostra Dea.  
 Ah quā dissimilis uno fortuna metallo  
 b. iij.

IVLII CAESARIS SCALIGERI

Ludit: & aduersis utitur una modis.  
Vt gelidam duro demonstrat ab æquore diuam,  
Vt duram gelido monstrat ab orbe deam:  
Me gelidum duro, gelidoq; sub æquore signet,  
Tamq; ego sim durus, quàm fuit illa mihi.  
Aut poni in gelido potis est si flamma metallo:  
Hæc facula afflatos indicet una duos.

Epitaphium Albij coloni sui, qui uoluit agro  
paterno sepeliri.

Quem segetes, quem uita deos imitata priores,  
Quem genuit larga fertilis annus ope:  
Albius huc patrij post aurea fœdera sulci  
Debita poscenti semina soluit humo.  
Bis felix ager: & studiosum passus aratrum,  
Atq; iterum domini cum tegit ossa tui.

Non cōuenire monilia collo amicæ, sed sibi qui  
captiuus sit, q; ea uinculorū speciem præbeāt.

Quid tibi sunt tereti bacata monilia collo?  
Quid tegit æthereum pallida turba decus?  
Captiua dominum ostentans sub imagine collum,  
In nostrum exerces regna superba caput.  
Transfer ab his, in me transfer fera munera, regnis:  
Conueniunt magis hæc uincula dura mihi.

Ad curas, quod nō debeant residere in corde,  
quæ sedes est diuæ suæ.

Curæ, infelices curæ: quæ fortibus ausis  
Funditis innumero pectora nostra pede:  
Ecquid ubi assiduis exercita mortibus antra,  
Et datur occultos cordis adire sinus:  
Cernitis æterna mentis sub luce latentem:  
Quæ ueram ostentat unica forma deam?  
Isthinc uos decuit fugere execrabile uulgus:  
Et sua iam dominis relinquere regna deis.

Ad Alpes Noricas ut inter Sueuos agens cor  
suū p se alloquant, persuadeātq; uti redeat, neq;  
nives exhorreat in transitu alpium: quippe qui  
Pholoe gelidiꝯ. pectus habitare potuerit.

Quæ mihi præruptis rigidæ ceruicibus alpes  
Redditis infestas ad bona nostra uias;  
Qua nebulosa cauis fumat Germania campis,  
Et concreta fero frigore torpet humus.  
Nam uos tam uiridi uestitas uertice pinu  
Nostro credibile est intepuisse Deo.  
O saltem faciles taciti per inania cæli  
Reddatis cordi murmura pauca meo.  
Dicite mi properet surreptam ducere uitam  
Atq; obiuratos uelle referre dies.

Nēue gelu durum excuset, tristisq; pruinas:  
Quod potuit Pholoe pectora ferre trucidis.

*Basia seminat, quorum culturam commendat  
uoluptati, & Veneri.*

Indulgent mea torquatis nec septa columbis,  
Nec metuit tenero de grege præda lupum.  
Aurea nobilium rerum regina Voluptas:  
Sit satis hæc Adolæ texta corona manu.  
Tu modo fac tumidis quæ credimus oscula sulcis,  
Candida puniceis frugibus aucta sonent.  
Quid mihi cum Cerere huc? ueteri uacet illa dolori,  
Quid mihi cum uestro uomere dura Pales?  
Omne opus à domina, culto satis excubat agro  
Rustica pro nostro semine facta Venus.

*Ad Venerem, ne ruris eam pudeat, cum det  
operam superiori semēti, talia enim basia sunt,  
ut pro suis subicere possit Vulcano, si eius tæ-  
dio afficiatur.*

Quid pudet auditis quæso cytherea iuuenicis?  
Quid rus purpuream ducit in ora notam?  
Quam sterilis quondam turbarunt murmura syluæ,  
Te petit hæc placido fertilis ora toro,  
Aspira faciles ad credita basia sulcos,

Et gravidas nostro semine finge faces.  
 Non studium penitus, curas nec prodis inanes:  
 Diua feres opera præmia digna tua.  
 Matura roseos capiens semente maniplos:  
 Interea nodis callida nocte tribus.  
 Post ubi Lemniacæ capient te tædia flammæ:  
 Sollicitum nostro munere falle deum.

Epitaphium Andreae Mantegnæ Martij filij  
 Pictoris omniū excellentiſſ. & Plaſtæ, iratas  
 illi parcas quoniã uitã mortuis reſtitueret ſta-  
 tuis, quare & nũc poſt eius mortem, ſi quis ui-  
 tam appetat, mori uelle ut eo deſcendat.

Sæcula Martiades rerum dum fluxa propagas:  
 Armasti fatis in tua fila manus.  
 Nunc nigras Erebi quando diuertis ad umbras,  
 Velle mori cogis, uiuere ſi quis amat.

Carolus Seuinus miſerat libellũ de Ranis, Te-  
 ſtudinibus, Cochleis, & planta Sicula, quẽ Ca-  
 etum ueteres uocabant, nunc Carchiophyllon  
 nominant, id celebrat hoc epigrãmate eloquen-  
 tiam epiſtolæ, & orationis Venerem, quam hic  
 comitem eſſe rebus his ſcribit.

Quot mihi ludentis udo ſub gurgite ranas:  
 Quæq; latent patulis cornua falſa cauis:

IVLII CAESARIS SCALIGERI.

Quasq; sub incultæ piscofo margine ripæ  
 Arida marmoreo tegmine testa capit:  
 Ipse meros totidem misit Seuinus amores.  
 Absens muneribus non quit abesse suis.  
 An ne suas igitur liquit Venus aurea Conchas:  
 Et nitet in putri surgere iussa lacu?  
 Cuncta trahens secum illa salis pigmenta Latini  
 Miscet honoratis munera tanta iocis.  
 Tam blandis Seuinæ ardent accentibus auræ:  
 Tam nitidum latio spirat honore decus.  
 Ille etiam Siculis olim surgentia sulcis  
 Germina compositas iussit inire dapes.  
 Sed non & rudibus, Phœbiq; ab luce reclusis  
 Ostendit faciles aurea mensa deos.  
 Aptius haud poterant mutæ testudinis ora  
 Quàm tam facundi iudicis ore loqui.

Ad somnum, qui cum omnia domet, septimum  
 iam diem amiserit in se imperium, qd si in per-  
 niciem ipsius cōiurauit cum cæteris dys: at sal-  
 tem sui regni ipsemet misereatur: cuius subla-  
 tum ius est se tandiu uigili.

Somne graues hominum solitus deludere curas,  
 Aurea cum uigili sidera luce micant:  
 Atq; idem solitus hominum referare labores,  
 Cum repetis placido sidera fessa pede.

Ecquid ubi genus omne animū, genus omne animātū,  
Ipsaq; Lethæo flamina rore domas:  
Non pudet exilio, ac luctu, curisq; sepultum  
Tanti unum immunem muneris esse hominem?  
Septimus Hesperijs ubi sol caput obruet undis:  
Et dabit amplexus serior hora tuos.  
Cætera si tecum coniurant numina: uicti  
At saltem regni iam miserere tui.

Per soluit basia Veneri dicata, cætera nō dicat,  
quoniā uel regno ipso Veneris potiora ducat.

Quæ tibi si nostris plaussisset tessera uotis  
Propositis ludens præmia suauiolis,  
Deuoui: tibi habe quinq; isthæc basia, habe me  
Quem damnes uoti Cypria diua reum.  
Cætera si uestrum pacato numine, si fas,  
O dea: uel regno sunt potiora tuo.

Stupet oriens Aurora cum aspectat Bramum  
montē Garumnæ imminentē, ubi agebat ami-  
ca: cuius fulgore ibi diem præueniētem uideat,  
cum tamen ora sit occidētis, nō esse illi miran-  
dū si duos soles offendit, cum ipse geminis ijs so-  
libus, gemina nocte prematur, desperato scilicet  
amore ob puellæ sæuitam.

Mons ubi Garumnæ pernicibus imperat undis:  
Iuraq; perpetuas in sua cogit aquas:

IVLII CAESARIS SCALIGERI.

Aurea purpureo surgens Aurora cubili,  
 Dum siccat madidas rosida diua comas:  
 Quæ stupet Aethereo perfusos lumine colles:  
 Extortumq; alio quàm stupet orbe diem.  
 O dea: quid geminas miraris candida flammæ  
 Eoæq; faces, Hesperiaeq; deæ?  
 Ecce tibi maiora mei spectacula fati:  
 Qui gemina, duplici lumine, nocte premor.

Gratulatur munificæ nocti: Dolet eius breuitatem:  
 Nox respondet tantum lucis quantum in  
 puella sit haud perferre posse, uel inuitæ igitur  
 discedendum.

O noctem augustam: qua nunquam purior ulla  
 Aurea purpureum lux tulit alma diem.  
 Vnde uenis? Nox felici, nox lucida lauru:  
 Nox mihi perpetuis lucibus una prior.  
 Tè ne Thetis tenuit nitido pulcherrima curru?  
 Tè ne sub Hesperio pauid amica sinu?  
 Tè ne in Acidalijs aluit Venus aurea campis:  
 Pectoraq; æterno pura refer sit agro?  
 Vnde refers faculasq; nouas, rarosq; Hymenæos?  
 Vt refers gemino lumina fulta die?  
 Dum loquor infelix: quid abis? quod tendis iter? quas  
 Sæua mihi tenebras, sæua relinquis opes?  
 Diua redi, nequeo, tanti sub solis honore,  
 Tam nitidis flammis atra fauere queam?



Cum in fontibus Nymphas habitare, omnibus  
 fabulis receptum sit, admota fonti facie stella,  
 suspicata est umbrā suam esse Nymphā, quam  
 cum excellentem uideret, obturbauit, præcata  
 poetam ne ab amore discederet.

Ut se conspexit tacita meus ignis in unda,  
 Equ; repercussis umbra reluxit aquis:  
 Hoc metuens, ne transferrem mutatus Amores,  
 Impulit irata lucida stagna manu.  
 Et concepta diu iurare in uerba coegit,  
 Miscens languidulis oscula rupta modis.  
 Turbida fallaci ne admoessem lumina fonti:  
 Ah ne odiosa suas proderet unda faces.  
 Tunc mihi rimatæ dulces præcordia guttæ  
 Presserunt mutilo uerba retorta sono.  
 Hunc pfugū à nobis animū, hæc pfugi hospita testor  
 Pectora: sed fastus testor Aella tuos.  
 Ne quicquam me alij facies tua destinat igni,  
 Haud ita lympa mihi te abluere una potest.  
 Tu modo ne miseros exure proteruior artus,  
 Ignea ne hoc cogar fonte leuare mala.

Padi undas secum trahere cor & curas ad lo-  
 ca inferiora ubi esset amica, sed curas redire  
 cor non redire

Aspice quæ rapido sinuosa uolumina flexu

Impetus in Nerei stagna superba rapit:  
 Secum perpetuo congestas agmine curas,  
 Secum eodem misera flumine corda trahunt.  
 Ah quàm diuerso perit hæc concordia fato:  
 Si redeunt curæ, si fera corda manent.

Scribit congressũ amicæ dispari euẽtu sibi &  
 loco: nam loca hilarat, sese autem cruciat.

Hiciacuit, grauidos illic dum soluit ocellos:  
 Credidit herbofo candida colla toro.  
 Hic me expirantem cursu correpta superbo  
 Destituit rapida sub iuga longa fuga.  
 Quali purpureæ colludunt more columbæ:  
 Vt raptus duplici redditur ore cibus.  
 Hic mihi Puniceos libauit diua racemos  
 Osculaq; insueto mille sepulta sono.  
 Felices segetes: felix uindemia: quantum  
 Vno eodem uarijs utimur orbe deis.  
 Lydia si uestras animabit frondibus auras:  
 Si steriles picto floris honore uias.  
 At mihi cum misero uel tantum inflexit ocellum  
 Igneus in lacero corde triumphat Amor.

Inter osculadũ transsfugit cor, optat cor ipsum  
 fieri, corrigit uotũ, si tanto corpore uim amo-  
 ris ferre non potest, qua rone possit, si pars fiat?

Hoc mihi restabat misero de millibus: hoc me  
Reddidit extremo fors inimica deo.  
Transfugit mihi cor semihulca sub oscula ductum:  
Quodq; ego non potui, pars tenet una mei.  
O ego pars nostri fiam miserandus, o à me  
Sic possim rapida perfidus ire fuga.  
Ah si ferre nequis tam grandi corpore flammæ,  
Qui poteris rapidas pars modo ferre faces.

Ad aquas Aponēses cū esset, cōparat cū aquis  
illis calidis, lacrymas suas & cū colle ignife-  
ro, æstū amoris, atq; utrunq; à se uictū dicit,  
unū excipit, q; aquæ illæ tollūt morbos unde  
& nomen græcū, lacrymæ autem ipsius nihil  
possunt, ob sæuitiam puellæ.

Iam quater auratis remeans dea lutea bigis  
Pisces Nerei quinta colorat agros.  
Sulfureas Acorin cum suspiramus ad undas,  
Lymphaq; crudeli sub face uicta fugit.  
Scilicet antiquo mons ipse incoctus ab æstu  
Feruidior nostra se negat ire face.  
Euganei latices, quæq; horrida saxa tenetis,  
Quæq; leues placido colle sedetis aquæ:  
Tuq; pater princeps: qui pumice tectus obusto  
Clara triumphatæ nomina pestis habes:

IULII CAESARIS SCALIGERI

Cede meis lacrymis, Lacrymæ tamen heu tamē ipsæ  
Debuerant pestem uincere posse meam.

Luæ Gaurici præceptoris, Astrologorū om-  
nium excellentissimi Epitaphium.

Post leges cæli uarias, ascriptaq; mūdo  
Fœdera: post superis reddita iura deis:  
Quem uix siderei magnum cepere recessus:  
Hoc hostes modico limite terra tegit.  
Viuerē dignus erat semper: Sed uita futuris  
Auctior, æterno lumine uita fuit.

Quod sæpenumero somniauerat, amicam am-  
plectitur, quam mortuā audiuerat, timetq; ad-  
huc ne somniet.

Viuis? & ô nostri potior nota pectoris, uno  
Restituis tibi me, te mihi, meq; die?  
Quam dudum exiguo uita hæc fluitabat hiatu:  
Quæ mox contempto funere læta uenit?  
Alloquor? an toties fallaci perditā somno  
Præagit faciles nox taciturna deos?  
Osculor? an pariter uacuis erramus in umbris:  
Carpunturq; auido corpora trunca gelu?  
Sed seu nos fera mors curis subtraxerit aëris,  
Siue quies tacito me petit alta pede;

Aut hæc perpetuo ludat mea lumina lapsu  
Aut mors hinc gelida soluat utrunq; manu.

Lusus suos tanti esse, ut & Dijs invidiam fa-  
cere possint, eos igitur Veneri dicat.

O Venus, hæc lusus fera prælia matutini:  
Quæ uouit facili dulcis Aella tibi:  
Accipe, & ignotis mitissima diua susurris  
Auge cuiusuis numinis invidiam.

Ex pertinaci imaginatione angitur, sese esse  
ubi amica sit, aut nussq.

Sum tecū? an ne abs te hinc abij mea Circia? sum ne  
Hic tecum? an rupi uincula dura fugax?  
Si non sum, quænam hæc oculis occurSAT imago?  
Si sum, quid mihi te brachia nostra negant?  
Præsentem præsens me quæro, ô fata, sed absens  
Absentem, mecum me sine, cur ego sum?  
Non uana hæc uobis species mea lumina, quando  
Aut ibi, & hic sum una: aut nusspiã ego ullus ero.

Quàm pulchra es, tam esses pia, aut tam ego  
essem faciūdus, q̄ si metus facundiã extorquet  
nō mirū, sed miū amicam meā in corde infer-  
tā esse, & tamen uoces meas non audire.

IVLII CAESARIS SCALIGERI

Cum se isti accinxit primum natura decori,  
 Atq; opere obstupuit Dædala uicta suo:  
 Aut tibi uenissent æqui pietatis honores:  
 Aut totidem uerbis pondera blanda meis.  
 Quod si uerba abeunt animo mihi, tristibus iris  
 Atq; acie rapidi luminis ista tui:  
 Non mirū est, sed corde meo cum inserta profundo  
 Es domina: & uoces non capis ipsa meas.

Ad Stæchadas insulas cum pernoctaret ob tē  
 pestatē, dicit Hersillam multo sēniorem.

Quippe hi sunt muti silices, brutæq; paludes:  
 Quippe hæc quæ rigida marmora mole iacent.  
 Quippe hi sūt scopuli, & scopulis furor addit<sup>9</sup> Euri:  
 Fractaq; spumificis murmurat unda uadis.  
 Et tamen in tanto pelagi, uentiq; tumultu  
 Redditur ad uoces nominis umbra meas.  
 Quippe hi nec silices, trucibus nec marmora uentis:  
 Nec refluxis scopulos æstibus urget aqua.  
 Sed scopulosq; feruntq; salum, tristisq; ruinas  
 Hersillæ gelido pectore fixit amor.  
 Seu cum de placidi tranquillo numine uultus  
 Abscondit uoces uox truculenta meas.  
 Siue ubi fraudato pacatæ frontis honore,  
 Ania concepto muta furore fugit.

Ad Telefillam ne speret sole suos siccari capillos,  
quem fulgore suo perstringat, sed aut aspe-  
ctu suo igneo, aut poetæ ipsius igne pectoris.

Quid radijs madidos pandis Telefilla capillos  
Credula? quid ludis lumina falsa dei?  
Ille tuæ lucis rutila perstringitur aura:  
Pallentesq; pudens decolor urget equos.  
Crinibus æthereos quin aut inflectis ocellos?  
Aut siccas rapido pectoris igne mei?

Vulneratâ ceruam Dictamum quærere quod  
ueueno aduersetur, at sese eodẽ loco, & uulnus  
pati & remedium quærere.

Sicubi Treicia grauitè fera fixa sagitta est,  
Lætiferæ fugiens barbara fata manus:  
Appetit, ignoto Dictamum ubi fidere surgens  
Purpureo tepidam gramine carpit humum.  
Ast ego flâmato moriens Lampteros ocello,  
Vnde legit uotis spicula dira meis:  
Non minus uno eodem quæro sub uulnere uitam,  
Nec mi alibi raptos est reparare dies.

Puellam ciuem suâ deperibat forma mirabili,  
eius recordatione subibât identidẽ lares patrij,  
propter eam igitur sese ab exilio uindicari.

Quid merui fugiens Athesis pater? unde petenti  
 Indigena dulces amne negantur aquæ?  
 Iam neq; barbaricus laribus mihi miles auitis  
 Incubat: & bibulam sanguine pascit humum.  
 Hoc fuit, at nunc heu ueteris sum criminis hæres,  
 Infontemq; premunt noxia fata patrum.  
 O genus, ô patria, ô patrij dulcissima cæli  
 Lux, mihi perpetuis lucibus una prior.  
 Quiq; rudi faciles formasti uerba penates  
 Mollia: cum uestros lusimus ante focos.  
 Me fors ærijs licet auferat auia nimbis,  
 Et procul à notis æquora liminibus.  
 At tenera antiqua fruitur dum Turrias aura,  
 Et patrijs animus pascitur ille Deis:  
 Me mihi quæ rapuit, charisq; inuidit amicis,  
 Cuius ab ignigeno pectore uita mihi est:  
 Tantum aberit miseram subeamus ut exulis umbrâ,  
 Quata ipsa est patriæ patria rara meæ.

Bononiæ Flaminie urbem nobilem Amica pe-  
 tit, habetq; secum Poetæ cor: eam igitur dicit  
 ipse necessario amanti memorem futuram, cum  
 duo corda possideat, quando ipse qui sine corde  
 est, memor fit.

Huc ubi Felsineæ Rhenus celer accola ripæ  
 Laxas perpetuo margine frænat aquas,



Transtulit hinc abiens nostros Myrtilia furores,  
 Atq; auido profugum pectore secum animum.  
 Sis felix anime, at si quid modo numinis umbræ  
 Concilias domini nomina parua tui.  
 Nanq; ego si nullo cordis suffultus honore,  
 Communis nequeo non memor esse Deæ:  
 Haud procul à uero est, nostri memor illa uicissim  
 Fiat: quæ gemino corde superba fugit.

Persuasum antiquis fuit, umbras nostras apud  
 inferos accusare uitam uniuscuiusq; sibi, inquit  
 Poeta, nullā unq̃ extitisse umbram, ob perpe-  
 tuos ignes quibus semper obsessus fuit, se igitur  
 comite amore descensurum, à quo nunquā  
 deferatur.

Postquàm lux animi spatio confecta supremo  
 Naturæ rigidas implet inepta uias.  
 Si uerum est: genitas radiorum uiribus umbras  
 Crimina sub Stygio nostra referre Ioue.  
 Cum suprema dies curis me exoluerit atris,  
 Nec tamen immiti soluerit illa Deo:  
 Isthuc sub gelidas Horci per deuia syluas  
 Me secum uacuo limite sistat Amor.  
 Nam neq; nube caua liquidus cum cõditur Aether,  
 Nec cum flamigerum nox ruit alta diem,  
 At nec sollicito cum sol altissimus æstu  
 Subiectam rapido lumine pulsat humum,  
 c. iij.

Tunc expressa meo de corpore funditur umbra,  
 Contra, amor assidue pectore bella gerit.  
 Eheu umbra mihi quando fuit? ut mihi semper  
 Lucida perpetuas ventilat aura faces.

Somnium nō fictum, ad Benacum lacū à cupi-  
 dinibus uinculis neēti uidebatur, & uapulare,  
 expectatus hoc cōdidit epigramma, eorumq;  
 uiribus potiozem unam tantum puellam.

Hic ubi piscosas aperit Benacus arenas  
 Vastus, & innumero gurgite ditat aquas:  
 Nam quid uimineos misera hęc in pectora nexus  
 Ducitis, aut cassas neētis arte moras?  
 Aut quid me gelidis frustra committitis undis?  
 Totq; ab inhumana uerbera ferre manu?  
 Si mihi sub gelidis sit pœna luenda tyrannis:  
 Vna potest uestris legibus, una potest.

Matrem decem annos nō solum luxit, sed etiā  
 fleuit miseram, inquit, uitæ nostræ cōditionem,  
 cum ipse malim matrem his rebus mortalibus  
 interesse quā inter senatum cœlitum.

Quæ gelidæ ueniunt decimo sub frigore brumæ,  
 Instaurant lacrymas tempora lenta meas.  
 Cumq; alijs soleat superati oblita doloris,  
 Candidior nitidos hora referre dies:

Mi crescit desiderium, & uestigia seruans  
 Prima pius calido pectore anhelat Amor.  
 O dulce exilium, ô falsæ mala gaudia uitæ.  
 O fallax trepido tempore fulta quies.  
 Te licet in patria diuum florente senatus  
 Crescat, te his malim mater adesse malis?

Non mirari Glaucillam iratâ uisisse carmen,  
 at mirari dum legeretur, non esse uisum.

Siqua tibi ludens numeris Glaucilla pudicis  
 Expressit miseras candida Musa faces:  
 Turbida fulmineas succendens protinus iras  
 Indideras flâmis pabula dira feris.  
 Quid mirum? mirum potius si dum legis, haud sunt.  
 Fulminibus rapidi luminis usta tui.

Munuscula non esse spernenda quasi indigna,  
 nihil enim ipsi par præter ipsam.

Quas tibi Myrtigenas misit Telesilla coronas:  
 Quæq; tuli genio lucida ferta tuo:  
 Ipsa suis manibus sudauit Cypris: & ipse  
 Lecta suburbano littore misit Amor.  
 Cætera gemmiferis iactat niger Indus ab oris:  
 Diuiteq; ad screm uellere uenit honos.  
 Ah ne sperne tuis quasi sint hæc ultima uotis,  
 c.iii.

Nec tam diuina munera rara manu.  
 Nam tibi si æqua uelim committere munera, solam  
 Institui teipsam mittere Diua tibi.

Somnus quies est sensuū, & corporis, nō mi-  
 ratur somno redditam amicæ uenustatem, sed  
 scēuitiam: scēuitia enim tranquillitati contraria.

Humida qua rudibus clausilla sub alpibus, haustæ  
 Fluctibus Eridani iura resignat aquæ,  
 Somnus honorata genitor taciturnus in umbra  
 Transtulit beu gemitus huc monumenta mei.  
 Fessarum pater & fomes placidissime rerum,  
 Hac tibi signatam quis dedit arte manum?  
 Redderet ut faciem, sub qua natura pependit,  
 Atq; opere obstupuit Dædala uicta suo?  
 Hoc potuit? at qui potuit sine crimine rerum  
 Esse tua in frontis turbine tuta quies?

Rosam uri solis æstu, & non uri oculis amicæ,  
 se nō uri cenū gemino sole, & uri oculo uno.

Aemula succinctis ridenti luce labellis,  
 Dic rosa: sidereus unde coloris honos?  
 Nunquid ubi ignigenis admota es naribus, illas  
 Traxisti flammæ subdola agente anima?  
 Aut ubi flammigeri cum luxuriantur ocelli;

Insedit strictus igne comante rubor?  
Sed uitæ cum sollicitam sol reddit, & unus:  
Qui uitæ soles restituunt gemini?  
Me miserum: quem non Centenus adurit Apollo  
Ignibus ingestis: uno oculo pereo.

Dipsadi Veneria uenera comparat, eo tamen  
dissimilia, quod & uulnera & remedia indidem  
petenda sunt.

Est in desertis Libyes: ubi letifer atros  
Per populos rapidis auster anhelat equis,  
Tristis, & infesto damnata simillima cælo,  
Reptilis infami bellua dipsas agro.  
Insidijs pollens: morsuq; inspirat acuto  
Perpetuam illata uulnere dira sitim.  
Haud aliud mea nunc obsedit corda uenenum  
Vnius ignigena luminis iecta acie.  
Verum dissimile est, flammæ nanq; inter acutas,  
Sunt eadem auxilijs ora petenda suis.

Non esse uexandū sese spiculis cupidineis, sed  
oculo Fulgentiæ, quam ubiq; Lamptera uocat.

Si mea flāmigeris obnoxia membra tyrannis  
Anxia cogebas sub iuga panda Venus:  
Quid uaga perpetuo repetuntur spicula cornu?



I V L I I C A E S A R I S S C A L I G E R I.

Sæua quid in numero bella sub hoste geris?  
Diua grauem prætende unum lampteros ocellum.  
Vnum hoc innumeri uulneris instar erit.

In omnium rerum quiete, sese unum  
excitari, varijsq; affectibus  
distrahi.

Rosida nunc reficit nocturnos orbita saltus:  
Nunc tacet & medias nox agit alta uias.  
Efferat nunc pingues mulceat animalia somni,  
Et torua instratis fluctibus unda fileat.  
Quinetiam tacitis labentia sidera cælo,  
Ne somnos adimant ire iubentur equis.  
Vix bene semirutis echo proiecta sub antris  
Concaua, nec certo murmure pulsa fauet.  
Vnus in abductas longum feror auis auras:  
Et legit audaces semita lenta pedes.  
Huc me sub ueteri cogit Telephilla triumpho,  
Cuius in arbitrij lege superbit amor.  
Quæ blandum lacrymis nisi me lactasset amantem,  
Sauciaq; incertis corda cupidinibus:  
Aha! quàm lento fureret fax ignea plausu:  
Quamq; forent grauib; libera colla modis.  
Nunc nolens uolo, meq; sequor, fugioq; sequentem,  
Atq; ultro redeo præda cruenta mihi.

Cum amica sit frigidissima, quare rubet? cum  
ipse sit calidissimus, quare pallet? si pallor meus  
à corde tuo frigidus exit, & à meo corde calidus  
tuus rubor, utinā nō colorē taniū mutue-  
mur, sed affectus quoq; caloris tu, ego frigoris.

Cum mea flammatis pulsantur lumina ocellis,

Atq; ictus rapido fulgure cedit amor:

Vnice curarum limes Glaucilla mearum:

O seges, ô numeris area lata meis:

Sic nobis bene Di esse uelint, minuantq; dolores:

Vel tu noninibus, tu mihi mille prior.

Dura licet rigeant grauius tibi corda pruinis:

Flexa magis caleant fulmine corda mihi:

Quid niueas subito signat tibi lumine malas?

Quod mea pallori destinat ora gelu?

Si sit, ut è uestro glacies petat ore meum cor,

Si rapidas nostro ducis ab ore faces?

O fieret quoq; uti huic penitus tibi seruiat æstus,

Torpeat in gelido frigore nostra anima.

Iterum sollicitari ad bellum, si igitur fato desti-  
natur neci, satis id fieri posse ab amica.

Diues ubi exercet lætos Aquitania colles,

Et pinguem innumero uomere fingit humum:

Sylvarum nemorum ferus populator honoris,

IVLII CAESARIS SCALIGERI.

Exercet rapidus improba regna canis.  
 Et modo Garumnæ cursum scrutatur acutum,  
 Ac iubet angusti fluminis ire uiam.  
 Ille sui modo nascentes malus enecat herbas,  
 Languidaq; exhausto pignora fonte premit.  
 Attamen hic medijs Mauors crudefcit in armis:  
 Et circum amentes Mors uolat atra manus.  
 Hoccine mi exilium diui indixistis acerbum?  
 Et lentos tanto turbine ferre dies?  
 Vt patiar toties alieni crimina cæli:  
 Duraq; Barbarica colla premam galea?  
 O durum exilium, duræq; incommoda uita,  
 Si procul à uita degere uita mihi est.  
 Si placuit ferro, & flâmarum tristibus iris,  
 Si cæli rapido me igne perire iuuat:  
 Reddite me nostris, nostris me reddite ocellis,  
 Vna sat in mortis iura puella meæ est.

Catellam amicæ non latrare se, sed ignotum  
 ipsi Cupidinem, quem perpetuum sibi comitem  
 ubiq; scribit.

Non erat hoc mea lux furti quòd conscia nostri  
 Latrabat gressus nota catella meos:  
 Ignotum nobis canis hæc latrabat Amorem:  
 Quo duce non unq; pectora nostra uacant.



Colles alloquitur Romanos, quorum fastum  
tempore domitū dicit, ita & de fortuna  
sua sperare.

Vos cælo educti scopuli, sacræq; ruinæ,  
Et nox quæ Latios obruis alta Deos,  
Felices animæ ueteris quibus inclyta Romæ  
Reliquias sacri nominis umbra capit:  
Si uestra hæc cedunt fatis, si dente proteruo  
Expugnant fessas sæcula cana moras:  
Spes etiam est, ut sæua quibus fortuna superbit:  
Extinguant rapidas tempora longa uices.

O anime mi, si me amas: quare abis? si me odis,  
ne te transferas ad amicam, quoniam eā mihi  
hostis est, quare cum ego idem sim cum ea, ero  
quoq; mihi hostis: igitur odio me habebo, idem  
tibi igitur & cum illa mea hoste esse, & me  
cum qui mihi ipsi sum hostis.

O toties fugitiue: tuæ uiden hospitis iras  
Me aduersum firma castra locare manu?  
Si mihi das operam, & nostri te anxere dolores:  
Quæ male fausta tuos transtulit aura gradus?  
Sin ita te misere cœperunt tædia nostri,  
Ut malis profugo fræna inimica pede:  
Quid fugis? ex ista mea mens cum pendeat hoste,  
Vteris me ipso non minus hoste mihi.

IVLII CAESARIS SCALIGERI

Ad Natifonem fluuium Carnorum in Italia,  
cum nataret quâ prorumpit in mare Adriati-  
cum, hoc condidit epigramma.

Insomnes latices, refluiq; oblita recursus  
Flumina: quâq; alio sole tapetis aquæ.  
Vos quoq; perpetuis horrentes rupibus alpes:  
Inuia magnanimæ incenia dura plagæ,  
Vosq; cauas ualles, & uos uada lentus adoro:  
Teq; ferax, humilis & miser hospes, ager.  
Huc ad uos nostra: huc referant si corpora fluctus:  
Nec bonus inuideat forte uiator humum:  
Suspendens Veneriq; lyram, paruasq; tabellas,  
Tristia signato puluere uerba notet.  
Obruit hic uirides sæuum mare Cæsaris annos:  
Et satis ad tantas uix fuit unda faces.

Philomelam consolatur: suadetq; uti sibi luctū  
merito relinquat.

Nondum etiam tenues diffudit in aera rores  
Arbiter optatæ lucis opisq; deus.  
Atq; memor geligæ, nec adhuc ab luce solutæ  
Noctis, in expletos integrat uida modos,  
Natum populea quærens Philomela sub umbra:  
Et tenerum querulo carmine luget styx.  
Anne recedentis miserum uigor aureus anni,

Quæq; ferunt steriles tempora longa uices  
Solicitant desiderio? locaq; auia cantu,  
Flebilibusq; modis rumpere iussit amor?  
Solue feris animum rugis, & crimina cordis  
Excute de frontis luce serena tui.  
Et mihi perpetuis lacrymis, luctuq; sepulto  
Aduerso dominæ numine mitte frui.

Dubitat an amica potitus sit, nam si ita sit, bene  
est, si potius non est recte item est, nam si ita  
affectus est ab amica absente, ut nesciat quid  
rerum sit, multo magis timet à præsentē, ne  
ledatur.

Vicimus? & nitidis dum ludit Adoria pennis,  
Iuit in amplexus aurea diua meos?  
An uicti? & tetricis superata superbia fatis  
Cessit adorato colla premenda iugo?  
Nempe hæc, quæ procul in nostrâ est crassata quietē  
Ah propius nectet qualia uinola mihi?

Reprehendit amorem, qui lacrymari passus est  
amicâ, nã si eo humore corrumpunt ocelli, &  
faces extinguunt, non erunt alij oculi ubi rur-  
sus accendat.

Crudeles lacrymæ, sanctiq; oblita decoris  
Flumina: quod nitidis fas fuit ire genis?

IULII CAESARIS SCALIGERI

Sic mihi fidereos, sic corrupistis ocellos,  
 Cum gutta æthereum lucida pinxit ebur?  
 In regnis ausæ hoc Veneris? heu dure Cupido  
 Non pudet ab nos hæc monstra superba pati?  
 Flebis item, lacrymatibi si perit ignis ab ista,  
 Vnde erit extinctas rursus animare faces?

Praxilla optabat secum Poetam inter ludum Vene-  
 ris expirare, utrumque mortis spiculis confossum,  
 ipse dicit, alter utro defuncto utrumque interiturum.

Cum tereti mea lux uinxit mea colla lacerto:  
 Quæ sibi sola ferus uincula nouit Amor:  
 Et dubia annexis coniuncta per oscula labris  
 Errat ab ignigeno turbine uicta anima:  
 O utinam sic mors inquit nos soluat amantes  
 Iuppiter, at ne has sic mors quoque solue moras.  
 Sed trahere confertim iunctos, ac redde tenebris:  
 Atque eodem geminum uulnere pectus age.  
 Ne pete, ne Praxilla duos ut uulneret: ex te  
 Hic animus numeros, pendet, habetque suos.

Exultat amica potitus, detestatur uoluptatis bre-  
 uitatem, tanto post tempore partam.

Dulces exuuiæ, quæ siti clara triumphii  
 Muneraque, et primi conscia signa metus:

Nectareæ lacrymæ: grauiusq; admorsa labella

Flāmea: quæq; unus basia nouit amor.

Vos ne ego post ternas glacies, triplicesq; calores,

Vos ne inter duræ munera militiæ?

Vos ne mihi è medijs nox hæc Amathuntidos antris?

Vos ne ab Acidalio misit amor nemore?

Dum loquor: heu miserū: & mēti mens hæret inani,

Seq; leuem falsis implet imaginibus:

Quo ruitis? duri quid non potuistis amores,

Fallere tantilla lumina nostra mora?

Heu Veneris fugite infesti ludibria regni:

Ante etenim q̄ quod cœperit esse: perit.

Epitaphium Benedicti Scaligeri patris inuicti,

atque imperterriti.

Euerso patrio imperio, atq; illustribus armis,

Scaligerum inuicti post monumenta animi,

Victum ab eo toties fatum superauit: & inde hæc

Reliquias tanti nominis urna capit.

Apes monet, ne floris amicæ fulgore deceptæ

inde mella capient, noxium enim esse & leta

lem, ut & fulgorem fulminis.

Quæcunq; aërio per inania murmura Cliuo

Florilegæ saltus sollicitatis apes:

d.i.

IVLII CAESARIS SCALIGERI

Ah uos decipiat falsi ne floris imago,  
 Candida qua Pboloe colla reclinat amor.  
 Illic frigida uis taxi, & sedere uenena  
 Mascula, nec Cyrni lenior umbra fuit.  
 Fulgida sic etiam fera fulminis aura corusci  
 Auræ uitalis soluere iura solet.

Abs sese somnum aufugisse, & occupasse Cir-  
 ciam, sed propterea nihil illi partiū gloriæ, unico  
 enim illius oculo tantū periturum, non enim  
 ad apertis oculis dormire potest.

Aufugit mihi somnus, & imo cogitata cubili  
 Peruigil in lucem membra recurſat Amor.  
 Quid sperem? dormit ne igitur mea Circia? sic est:  
 Illam inhians tacito pectore fusus habet.  
 Somne pater quondam placidiſſime ſomne quietis:  
 Hunc plagij, & raptus ſæue metusq; pater.  
 Nudam armis quid opus teneram ſuperare puellam?  
 Si te oculo tantum uiderit illa, peris.

Spe fruſtra foueri, Circiam enim trans alpes  
 eſſe, eis igitur minatur, niſi ipſe trans-  
 cendat, Circiam eas itinere ſupe-  
 raturam, unde rumpantur  
 illius igne, ut olim ab  
 Annibale.

Sentis ne aerijs spes ut uehat omnia pennis,  
 Destituens rapido uota precesq; pede?  
 Nec reditura, graui propior lux ultima fato  
 Quanlibet armatas excubet ante fores?  
 An tibi me ingrati rapuerunt Circia uenti,  
 Sera subalpinis dum tepet umbra iugis?  
 Ripæ: infelices ripæ: quæ tristibus auris  
 Et fera Barbarico cingitis arua pede:  
 Nostis diuæ oculos: nec me iam redditis illi:  
 Atq; alio excisas igne perire iuuat?

Ad Carmina sua, qualia futura sint in  
 tumulto.

Exangues notulæ, & durum spirantia casum  
 Carmina: nec dulcis munere fulta animæ,  
 Vera nimis, heu uera mei morientis imago:  
 Si tamen ab uitæ uis super ulla meæ:  
 Cum mihi fatali uenient noua funera planctu:  
 Et cedent numeris nostra elementa suis:  
 Hanc signate leui conceptam cespitem caussam:  
 Redditeq; his miseris lucida busta notis.  
 Nulla hoc umbra loco, tumultus quem cernis, inanis.  
 Nam cui nec uita: mors quoq; nulla fuit.

Ab eadem amica, uitam æque ac mortem pro-  
 ficisci, quoniã & sine ipsa inuellis, & cum ipsa  
 nihil nisi ipsam sapiens.

Raptum, atq; amissum uiuo me funere, quid fles,  
 O animi potior parsq; salusq; mei?  
 Postq̃ sidereis mea Næuia cœpit ocellis  
 In me odium fati sollicitare mei:  
 Quæ prius his uitæ gelidis errabat in umbris  
 Deses, & ignaui tabe sepulchra situs,  
 Flammigerisq; oculis placidum bibit icta uenenum  
 Mens mea: si uoluit uiuere: iussa mori est.

Sirij ardoribus comparat uim oculorum amicæ  
 ob quam soluatur in fletum, ut nix, quare non  
 iam utar lacrymis, sed Telesilla pietate uicta  
 utetur me uice lacrymarum.

Qualis in aduerso stellarum infamia cælo  
 Letifero rapidas explicat orbe comas,  
 Sirius? atq; agros cursu diffindit acuto:  
 Cum queritur raptas flos taciturnus aquas.  
 Sic mea: sed geminæ populantur pectora flammæ:  
 Et subeunt rabida tetra uenena sui.  
 Sed tamen in tantis arentia membra ruinis  
 Soluor: ut æstiuo nix perit alta die.  
 Atq; ego non iam, non lacryma miser utar inani,  
 Sed lacrymæ utetur me. Telesilla uice.

Inter omnium rerum quiete, se unum uexari,  
 confici tamen non posse, dum lætis amoribus  
 Glauiciæ fruitor.



Aspicias ut liquido crebrescunt sidera cælo,  
 Noxq; frequens tacitis ignibus uda micat?  
 Quæsitamq; inter nemorum fruticeta quietem  
 Abdita sopitis lustra dedere feris?  
 Quiq; ferox fluctus furioso tunditur Euro,  
 Attonitis posito murmure sedit aquis.  
 Quid merui miser: ut laribus turbatus auitis  
 Perpetiar duro uincla superba iugo?  
 Quid tibi uis fortuna? fugæ fuga quæritur, ut sim  
 Vna nouo semper perdita præda solo?  
 Non potes, æthereæ dum Glaucia uestitur aura,  
 Perpetua fidi pectoris arce fruar.

Cum uidet quantū matres orbe fleant, repre-  
 hendit oculos qui haud pro re, lacrymētur, eo-  
 rum alter respondet, amoris æstu absumptum  
 esse humorem.

Quascunq; aspicio lacrymas, quas funere mater  
 Fundit inhumanos cum uocat orba deos:  
 Quanta oculis demens nostris conuicia feci,  
 Quos uideam numeris non satis ire suis.  
 Quorum alter, tantas capias cum pectore flammæ,  
 Esse uel à magno flumine guttapotest?

Ad arma sua, q. ea cum otio cōmutarit, inutilia  
 enim sibi esse, quibus tectus à nudo cupidine  
 superetur.

Vestrum praesidio rapidas qui fulminis iras:  
 Seu vis fulmineo est fortior ulla metu,  
 Securas hominum, diuumq;, & quicquid ubiq; est,  
 spernebam amenti pectore si la anima:  
 Heu bellis infensa feris, ac nescia uestri  
 Otia de amplexu vos rapuere meo.  
 Mollior hinc reuocat blandis inflexibus aetas:  
 Languida difficili colla leuatq; iugo.  
 Nam porro quid erit uestri mihi numinis usus:  
 Quæ tamen heu didicit uincere nudus Amor?

Affinis suæ Nogarolæ Epitaphium hoc con-  
 didit, Græca, Latina & Tusca lingua, poe-  
 triæ mirabilis.

Sub decimam triplicis linguæ commercia Musam  
 Hoc tenui cinerum puluere capta iacent.  
 Heu dulcis numerosq; lyræ, flexumq; sonumq;,  
 Obruit extremo lurida parca die.  
 Memnosynes sanctæ soboles, pia turba camcenæ,  
 Non capitis tumultum hunc ex Elicone locum?

Quocunq; abibit morte obita, omnia uisū iri,  
 solam amicam tanti monstri expertem.

Sive animus tenues mihi dilabetur in auras,  
 Seu levis infernos oderit umbra deos:  
 Ille locus, locus ille fero torrebitur aestu:

Nec poterunt tantas ferre elementa uices.  
Trudite me liquidi subter uaga flumina ponti,  
Vnde dat Oceanus humida iura uadis:  
Mutabit rapidis liquentia marmora flammis,  
Inq; patenti ingens æquore nullus erit.  
Ah cum tanta miser iactes incendia, monstri  
Secura, atq; expers una puella tui est.

Comparat Lucifero & Auroræ amicam, sibi  
tamen uni asferre eam tenebras, ob fulgorem  
nimium amentem fieri.

Serica dum circum tua lactea colla superbit:  
Et stupet astrictis arsq; decorq; comis:  
Liquitur incerta trepidus formidine sanguis,  
Sedibus atque abeunt mensq; animusq; suis.  
Hiccine qui puris surgit mihi Lucifer undis,  
Et trahit innumeros in sua iura deos?  
An roseis Aurora nitens innixa quadrigis  
Dispulit inuecto pallida castra die?  
O durum exitium, tanta sub luce tenebris  
Solutus agor, solum lumina nocte premunt.

Amaranthidos crines uentilari, reliqua omnia  
non moueri, quoniam ea sede potius nentus  
cætera indigna se putet.

d. iij.

*Qua diuina comis Amaranthidos aurasuperbit:*

*Atq; inter faciles ludit amica sinus:*

*Cernis, ut immoto magnum stet lumine cælum:*

*Et tacitus placida fronde quiescat ager?*

*Non hic, ob immites oculos, sæuūq; furorem,*

*Aut uenit à duri turbine frontis, honor.*

*Aethera quin potius uideas tabescere, quando*

*Coniurant geminæ sub mea damna faces.*

*Sed rigidæ fieri spernit rudis accola ripæ,*

*Quæ cælo ciuis aurarecepta meo est.*

*Futura nuptæ lusus noctu explendos, ne ui-  
dendo Dij inuideant.*

*Flameolum, & Tyrio deceptas murice lanas*

*Induet intacta crastina nupta manu.*

*Quiq; sibi toties me deuinxere lacerti,*

*Instituent posito uincula uera metu.*

*Vnus ibi è gemina concrefcet spiritus aura:*

*Et dubio errabit limite flos animæ.*

*Cætera: quæ Venus, & gemini nouistis amores,*

*Et torus, & casti Cinxia diua tori:*

*Ne tanto inuideant cælestia numina fato:*

*Cæca teget tacita nox adoperta face.*

*Variam fortunam inuitum perpeffum, sponte  
autem dominæ seruire, amoris iuffu.*

Per scelera ignotas facies, perq; inuia fati  
 Consilia; & Nemesis noxia tela Deæ:  
 Quidnam ego non uidi? quid non perpeſſus? ubi non  
 Extant heu uitæ iam monumenta meæ?  
 Exilium, turpemq; famem, belliq; furores,  
 Et rabidæ inuidiæ ſpicula cæca tuli.  
 Inuitus mala tanta, at me nunc ferre uolentem  
 Seruatiꝝ infeſtus pondera iuſſit amor.

Ad Nemefin, & Iouem ultorem, & genium  
 ſuum, & lares ſuos, inter peſtilentiam, ut ſala  
 tem ea mors, cæteris mortibus finem imponat.

Dij rerum ultores; & Dij morientis Iuli,  
 Et Dij, ſum ueteri quos ueneratus ope:  
 Et natale ſolum; & duri bene conſcia caſus  
 Numina, me ſanctis quæ rapuiſtis auis:  
 Dum furit immani Libitinæ inſania luctu,  
 Et ſortem iniuſta librat utranq; manu:  
 Accipite hanc animam: meq; his exoluite, dum mors  
 Vna poteſt tantis mortibus una fugam.

Claudit opus, ſpretis ludibrijs  
 ueneris.

Poſt ualidas fati clades: fortisq; ſuperba  
 Imperia: & rigidus quæ iuga dura tuli:

IVLII CAESARIS SCAL. EPIGRA.

Spes Dea, spes uitæ domina & regina futura  
Non capiam puido munera uestra sinu?  
Si uerum est quod amans in amata regna figura  
Cedit; mensq; animos integrat una duos:  
Si iurata Ioues: si conscia sidera fallit,  
Si Telefilla datam, soluit inepta fidem.  
Sucta prius trahere in uarios mea pectora casus,  
Nunc uocet in numeros sic quoq; dira suos.  
Dura uale Cytharea: uale scelerate Cupido:  
Ac merito populo fabula nata uale.

IVLII CAESARIS SCALIA  
GERI, Nouorum Epigrammatum  
Liber unicus fuit.

## IVLIVS CAE

SAR SCALIGER

CAROLO SEVINO

amico præcipuo, S.



Xoluo nunc fidem meam optime  
 Sevine, Hymnos Iohanni Bapt, &  
 Rocho atq; Sebast. ad te mitto, ea  
 lege, ut per te castigati, edantur,  
 sed ita, ut ne quid limæ desideretur  
 in æditione ipsa. Puncta uero tibi commendo, quorū  
 rationem adeo necessariam duco, ut & illustriorem  
 fieri orationem putem, non solum sententias distin-  
 gui. Ludouicam uero Sabaudiam, præter cætera, ut q̄  
 diligentissime excudendam cures, etiam atq; etiā ro-  
 go. Quanquam enim multos habeat rex poetas opti-  
 mos, tamen res ipsæ comparentur, non autorum no-  
 mina. Fidei uirgini & martyri Agennensi hymnus,  
 nondum mihi penitus probatur, sed alias persoluam.  
 Sicut quatuor superiores, Deo patri, Deo filio, Deo  
 spiritui, utriusq; & ab utroq; uni, & gloriosissimæ ma-  
 tri semper uirgini Mariæ, qui omnes affecti sunt, sed  
 nondum perfecti. Mitto etiam Epitaphia regis ma-  
 tris, parem fortunam tua ut opera subeant. Libuit  
 enim mihi insanire, qui post tot argumenta, tot illu-

strium uirorum egregias inuentiones, ausus sum inter-  
strepere, idq; neq; sobrie, neq; mediocriter, non enim  
uno Epitaphio cōtentus, alterū etiā addidi, satis id pu-  
tasti? At non satis præcipiti ingenio, quale mihi obij-  
ciunt amici, itaque cum uespere literas obsignassem;  
sub lucem poposci pugillaria, ut te quoque insomnia  
exerceat. Vale Agenni XX. Februarij,  
M.D.XXXIII.



## IOANNI BAPTISTAE.



Axime terrigenum, ac domini  
præcursor olympi,  
Sancta anima, & tacitis cælorum  
exercita fatis,  
Vltima legiferæ naturæ meta  
Ioannes,

Cui fului claros humeros immane cameli  
Tegmen obit, nudoq; sonant de uertice Nimbi,  
Te per inaccessos tumulos, & inhospita saxa,  
Nunc uero æthereas sedes super, & super altos  
Cælestumq; choros, moderatorumq; cateruas  
Sublimem ueneror miser: atq; incondita porto hæc  
Dona prius, uiden' ut toto te pectore perflans,  
Hoc animo, hac mente gerens, his sensibus hærens  
Fumantes tibi nunc supplex aduoluor ad aras?  
Principio teneri post incunabula mundi,  
Et labem fragilis thalami, primi q; parentis  
Crimina, quæ sanctæ lauerent primordia Lymphæ,  
Cætera quæ canerent primorum carmina uatum,  
Spiritus ætherio ignotus de fonte profudit.  
At tua sancte parens æquæui luminis ætas  
Extulit in ueræ præsentem commoda lucis.  
Ante etiam æterni conspectum regis, & ante  
Q; rudis haurires uitalia semina cæli.

O amor, ô pietas, materna conditus aluo  
 Ignotum terris dominum sine uoce salutas,  
 Debita diuinis summittens genua latebris.  
 Mox ubi conceptas eduxit spiritus auras  
 Feruidus increpitans cæci scelera horrida mundi,  
 Solorum nemorum lætus secreta petisti:  
 Vuida deuexæ penitus qua cornua ripæ  
 Perpetui liquidas flectunt Iordanis habenas.  
 Inter desertum campi latus, inter & æstus,  
 Collectamq; sitim, diriq; incommoda cæli,  
 Nec domat extremo quæsitum munus in orbe  
 Medorum liquidus succus, laticisue Lyei,  
 Arida nec domitis ieiunia soluis aristis.  
 Mella tibi patrijs uni liquentia Ramis  
 Dædala sudat apes: tibi puras obuia Lymphas  
 Summittit tellus: ac uilia membra locustæ.  
 Inde frequens locus ipse uiris, montanaq; passim  
 Turba ruit, uidui campiq; urbesq; relictæ.  
 Et libertatem populi spirantis imago.  
 Tu quis es? an ne æuo patribus promissa priore  
 Vera rudimenta, & certæ fomenta salutis  
 Dexter habes? gentisq; agitas arcana renatæ?  
 O grauis æterni soboles sperata parentis,  
 Adsis perpetuo imperio, & sordentia puris  
 Dilue conceptis sceleris uestigia Lymphis.  
 Sic populus, sic ille, dei ne uera propago,

Nec uates: sterili sed uox clamantis in ora.  
Vos, quibus à supera pax est promissa quiete,  
Perpetuo licet hanc lucem celebretis honore.  
Ecce diem, qui perfudit uos lumine: qualem  
Extremo ueniens nunquam aspexit olympos.  
Rex regum, æterni sceptri cui summa potestas,  
Regna bonis, pacemq; gerens, clademq; profanis.  
Qui fuit, ante ego q̄ fierem, meq; ipse secutus,  
Exoluet ueteris sordentia crimina pœnæ:  
Non ut ego abiectæ fluuiali munere Lymphæ,  
Sed liquido afflatu, ac cæli fulgentibus auris:  
Et patrium in fonti pacabit sanguine regnum.  
Sic ait, & nitidis populum lustrabat in undis,  
Multa monens, multa ore pio mandata resoluens.  
Ecce autem sacris sese referebat abaruis  
Vera dei soboles, mundi melioris origo.  
Quem circum ætheriæ iam numine percita flâmæ  
Collecta exilio, ueteriq; è crimina turba,  
Matres, atq; uiri, pueri, innuptæq; puellæ,  
Ipsæ urbes, ipsiq; agri, tota ipsa sequuntur  
Agmina, deserto cessat iam taurus aratro:  
Pendet & amissis opera interrupta iuuençis.  
Illius ut uates fulgorem feruidus hausit  
Fulmineum: perq; ima pius calor ossa cucurrit:  
En pacata, inquit, scelerati uictima mundi.  
Sic ait, & sanctum posuero uelamine corpus  
Tingit aqua, autoremq; illius muneris ornat.

I V L I I C A E S A R I S S C A L I G E R I

Tu ne deum fontis dono mersare salubri  
 Tu ne deum? tibi qui tribuit sua munera, de te  
 Hæc petit, & meritis cessit prudentia fati?  
 O spolia, ô uerum ueteri de labe triumphum.  
 Cui de te tantum licuit? quæ uera monentem  
 Inuidit miseris terris fortuna? nec ipsum  
 Carceris infandum placarunt uincla tyrannum:  
 Vt sacrum aspiceret caput à ceruice reuulsum?  
 Ergo illum inferni subter fera limina mundi,  
 Et furuas desperata caligine sedes  
 Insomnem exercent furia: cui tristis Erinnyis  
 Infestum caput anguineis redimita capillis  
 Sanguineo assurgens facinus sonat ulta flabello.  
 Quæ loca ne uideam reus, ô pater optime, mortis  
 Curriculo uitæ, ac spatijs disclusus iniquis:  
 Sed lacerum sterili nostrum hunc in littore truncum  
 Singultantē animā dulci p nomine CHRISTI:  
 Quam toties miser obieci mortalibus ausis:  
 Exora: meritisq; tuis merita ardua captem.

R O C H O E T S E B A S T I A N O .



Os ne etiam lamenta uirum, gemitusq;  
 cadentum,  
 Magnanimi Heroes, duo lucida  
 sidera mundi,  
 Totq; inter lacrymas horrentia  
 funera tangunt?

Nos uacua se getes, Vasti nos frugibus agri,  
 Ipsi nos saltus, nemorum ipsa silentia terrent.  
 Vsq; adeo inferni conceptæ è semine ditis  
 Ventorum molles animæ letalibus auris  
 Omnia corripuere, ruunt in mortis amorem  
 Terraq; sideraq; & scelerati crimina cæli,  
 Corruptos effusa lacus super, aliaq; nereï  
 Aequora: quiq; fouent uitæ mortalis Amorem  
 Iam facti fontes latices, & morbida uulgo  
 Pabula: tum nullo pecudes custode per herbam  
 Vitamq; exitumq; æqua sub sorte pacisci.  
 Hic oblita sui, multamq; ignaua sub umbram  
 Armenti decus, & trucibus pugna aspera tauris,  
 Crebra gemens longo tendit grauis Ilia tractu:  
 Et nudis animam compescens dentibus ægram  
 Heu dulcem aspectat morienti lumine natum  
 Perdita: nec lætas illi reminiscitur herbas.  
 Parte alia ualidus proscisso taurus in aruo  
 Non sulcum meditari, aut dicta audire magistri:  
 Verbera lenta pati: durisq; absistere uinculis:  
 Naribus & piceam patulis euoluere nubem.  
 Afflato oculos olli rigor igneus urget  
 Terribilis: maciemq; lues contraxit acutam.  
 Ecce autem Hesperij ueniens ab limine mundi  
 Fortis equus, cui mollem animum, primumq; pudorẽ  
 Soluit amor: plenisq; insedit flamma medullis:  
 Ille neque assurgens liquentis flagrat amnes,

Nec procul aerij montis de rupe couruscans  
 Hinnitu increpitat Cessantem puluere campum.  
 Ast illum in duris saturum ad præsepe capistris  
 Insomnem exercet uitium, non ipse uocatus  
 Ardet auens campumq; dari, cursusq; uolucres.  
 Non ægrum uirides herbæ, non plausa reducunt  
 Pectora, non strepitus iugum, freniq; sonantes.  
 Augentur cladis facies: nec funera tantum  
 Infelix pecus annumerat, cadit aureus infans,  
 Florentes pueriq; & longis fulta senectus  
 Lucibus, extremosq; ferens exempla sub annos.  
 Ergo etiam longo matrona infracta dolorem  
 In luctum soluit sperata ad funera crines.  
 Aut amens delubra deum, lucosq; fatigans  
 Nequicquam seros exercet feruida planctus.  
 Nulla feris etiam tantum natura pepercit.  
 At leo per saltus uasta & deserta peragrans  
 Indomitis agitur furijs: atque uritur intus  
 Arduus: & presso cælum clamore laceßit.  
 Omne nemus late exhaustum est: lateq; silescunt  
 Errati saltus auibus, gressuq; ferarum.  
 Iamq; uagi soboles pelagi, mutæq; natantes  
 Senferunt liquidis infusa incendia in undis:  
 Turpiaq; insano reuoluta cadauera fluctu  
 Extantes plangunt scopulos, litusq; supinum.  
 Ipsæ & aues, uolucres animas in rupibus altis  
 Expirant temere: dira aut ieiunia uictas

Conficiunt, at quæ petiere cadauera rostris  
 Extemplo stimuli tentarunt ossa: neq; intus  
 Suffecisse ualent tactæ feruore medullæ.  
 Inde se quebatur uitiata in corpora lentus  
 Torpor: & erupta cute, putri sole sub ipso  
 Membra minutatim tabo liquefacta cadebant.  
 Hæc cæli rabies, hic fati tractus iniqui,  
 Quæ non facta hominū, quæ non monumēta deorū  
 Expetere: & summis uota aspirare periclis?  
 Omnia conclamata: latent sub turbine planctus  
 Omnia: & obscura caligant mortis in umbra.  
 Ipsa etiam quæ nos uitam sperare iubebat  
 Ipsa fuga exitio est: soli q; ad funera nostra  
 Adsumus: & frustra ueteres reminiscimur agros.  
 Vos cælum, uos terra parens, terræq; parentis  
 Antiquæ fibræ, uitrei regna alta tyranni:  
 Sit satis has meritas funesto sanguine pœnas,  
 Diræq; supplicia hæc sæclis hausisse nefandis.  
 Vos ego per genios geminos, geminasq; coronas  
 Magnanimum Heroum precor, obtestorq;, uides ne  
 Vt Rochus ætherij tendat uexillatriumpho:  
 Quo signo æternam soluit pia uictima mortem?  
 Vt paribus socijs feliciter excubet armis?  
 His quondam Rochus inuicti discrimina morbi  
 Expulit: & latijs exegit finibus hostem.  
 Huc matres, quondam matres, dum uita manebat  
 Infantum infantum: & tantis defuncta periclis  
c. ij.

Certatim sese agglomerant lagubribus aris.  
 Nec fletu saturant oculos, nec pectora planctu:  
 Instituuntq; toros, trepidat funalia longo  
 Ordine flamarum, & late loca lumine complent.  
 Atq; ea dum penitus lugentum parte geruntur,  
 Inuictusq; animis, & belli turbine maior,  
 Hoc uno uictus pietatis numine natus,  
 Pro teneris lacrymis, pro foemineo ululatu  
 Defixus rigidos oculos stupet, atq; ita fertur  
 Qualis ubi aut gelidam serus prope fluminis undam  
 Eridani, aut ligurum deprensus uertice pastor.  
 Ille feræ tempestatis securus, & imbris,  
 Aut numerat capita, aut uenientum cornua discit.  
 At procul ut trepido cælum tonat omne tumultu  
 Obliqua de nube sacer Iouis attingit ignis  
 Afflatum: crepitāsque uago coma murmure sumat.  
 Ergo ubi conceptus diuini in pectore Regis  
 Erupit dolor: & pulsas se effudit in auras:  
 Flebilibus tandem lacrymans ita uocibus infit.  
 Bis me igitur patrio cælo, atq; illustribus armis  
 Alma parens, patrumque mihi monumenta meorum  
 Restituis: grataque frui me luce iubebas:  
 Ut mihi quod dederas, illo te lumine cassam,  
 Atq; hoc sic positum antiquo sine nomine corpus  
 Alloquerer: surdasque onerarem questibus auras?  
 An ne etiam ætheria diuinum sidus ab aula,  
 Debita perpetui spirantem pignora amoris



Maternumq; metum, & laudis ueræ inter amorem  
 Plurima quæ mandata dabis? quæ plura daturam  
 Ut ueruit dolor, ut lacrymis obsedit amaris?  
 Interea ancipiti tantarum in turbine rerum,  
 Si qua mihi dubios uerset fors improba casus:  
 Cui tandem trepidi committam commoda regni,  
 Quæ mihi tanta tuo steterunt interrita nutu?  
 Quid mihi mentis erittam desolata uidenti  
 Regna tuo lacrymosa obitu: felicia quondam  
 Auspicijs seruata tuis, & reddita nobis?  
 Rhene pater patrijs posuius qui terminus agris,  
 Culta fluentifono scindis celer arua tumultu:  
 Vosq; graues rigidis stantes cervicibus alpes;  
 Obijce quæ inuictæ nostrum discluditis orbem:  
 Quiq; ferox sceptris tumidus Neptune Britannis:  
 Quiq; per angustas prono citus agmine fauces,  
 Europen Libyamq; obfesso interluis æstu:  
 Tūq; iugo fera Barbarico protenta Pyrene:  
 Hic mecum date thura, pijs date manibus aras.  
 En decus, en columen uestrum, sic gloria sceptris  
 Fœmineis seruata, fero iacet obruta leto.  
 At non & diuinum animum, dextramq; uirilem,  
 Pectoraq; aduersis nōnunq; exterrita fatis  
 Mors rapit, illa deūm sedes, superosq; penates  
 Explet, & aerias tuto iam dispicit oras.  
 Diua parens, auctus gaudent quo sidere mundus:  
 Alma faue: populóq; tuo te redde precanti:  
 Aeternūq; meo salue ac uale inclyta luctu.

LVDOVICAE SABAVDIAE

Epitaphium primum.

Bis Regem cælo patrio Ludouica parauit,  
Cum peperit: pacis cumque redemit ope.  
Bis Regnum: uictorem audax ubi finibus hostem  
Terruit: atque iterum munera pacis habens.  
Bis seipsam: prius hoc uitæ mortalis honore:  
Mox induta nouo fidere, uota fouens.

Alterum multò plenius.

Reginæ, Allobrox, mater, Rex ipsa regendo,  
Auctior at forti Rege Loysa parens.  
Regno illum natum: Regnum illi pace redempto,  
Vno orbata, duos pace fauente tuli.

Aliud.

Sanguine Cæsareo Ludouica Sabaudia, Rexi,  
Sola dedi Reges, solâq; restitui.

Aliud.

Non natum edendo Regem, absentemq; regendo  
Præstiteram, reducē do quoq; ter peperi.  
Ecce uetus Bacchum taceat iam fama bimatrem:  
Ter nati unius cū una parens fuerim.

D. LOYSAE matris Regis Epitaph. per NIC.  
BORBONIUM Vandoperanum. 1532.

Heus tu, hoc summissa carmen lege uoce, Viator,  
Hic Regis mater Dia Loysa cubat.  
Hanc strepitu turbare caue: dormire putandum est,  
Nempe deam, & talem non potuisse mori.

FINIS.

216733



ج

ر





